

## OFFERYNNAU STATUDOL CYMRU

**2021 No. 352**

### Rheoliadau Cyd-bwyllgor Corfforedig y De-orllewin (Cymru) 2021

#### Enwi a dod i rym

- 1.—(1) Enw'r Rheoliadau hyn yw Rheoliadau Cyd-bwyllgor Corfforedig y De-orllewin (Cymru) 2021.
- (2) Daw'r Rheoliadau hyn, ac eithrio'r darpariaethau a grybwyllir ym mharagraff (3), i rym ar 1 Ebrill 2021.
- (3) Daw'r darpariaethau a ganlyn o'r Rheoliadau hyn i rym ar 30 Mehefin 2022—
- (a) rheoliad 11;
  - (b) rheoliad 12;
  - (c) rheoliad 13;
  - (d) rheoliad 15 i'r graddau y mae'n ymwneud â swyddogaethau a roddir i Cyd-bwyllgor Corfforedig y De-orllewin gan reoliad <sup>F1</sup>..., 12 neu 13.

#### Diwygiadau Testunol

**F1** Gair yn [rhl. 1\(3\)\(d\)](#) wedi ei hepgor (25.3.2022) yn rhinwedd [Rheoliadau Cyd-bwyllgorau Corfforedig \(Cyffredinol\) \(Cymru\) 2022 \(O.S. 2022/372\)](#), [rhlau. 1\(2\), 43\(2\)](#)

#### Gwybodaeth Cychwyn

**I1** Rhl. 1 mewn grym ar 1.4.2021, gweler [rhl. 1\(2\)](#)

#### Dehongli

2. Yn y Rheoliadau hyn—

ystyr “aelod Arfordir Penfro” (“the Pembrokeshire Coast member”) yw'r aelod a benodir o dan reoliad 8(1);

ystyr “aelod Bannau Brycheiniog” (“the Brecon Beacons member”) yw'r aelod a benodir o dan [<sup>F2</sup>reoliad 8(1)];

[<sup>F3</sup>mae i “aelod cyfetholedig” (“co-opted member”) yr ystyr a roddir gan reoliad 9(1); ]

ystyr “aelod cyngor” (“council member”) yw person y cyfeirir ato yn rheoliad 7(1) neu berson a benodir o dan reoliad 7(3);

[<sup>F4</sup>ystyr “aelod dirprwyol” (“substitute member”) yw person a benodir o dan reoliad 7(2) neu 8(4);]

**F5**...(1)

(1) [1995 p. 25.](#)

ystyr “blwyddyn ariannol” (“*financial year*”) yw—

- (a) y cyfnod o 12 mis sy’n dod i ben â 31 Mawrth 2022 (y cyfeirir ato yn y Rheoliadau hyn fel “y flwyddyn ariannol gyntaf”);
- (b) wedi hynny, cyfnod o 12 mis sy’n dod i ben â 31 Mawrth;

ystyr “cyngor cyfansoddol” (“*constituent council*”) yw—

- (a) cyngor sir Abertawe;
- (b) cyngor Castell-nedd Port Talbot
- (c) cyngor sir Gaerfyrddin;
- (d) cyngor sir Penfro;

F3 ...

ystyr “deddfiad” (“*enactment*”) yw deddfiad pa bryd bynnag y’i deddfir neu y’i gwneir;

ystyr “rheolau sefydlog” (“*standing orders*”) yw’r rheolau sefydlog a wneir o dan baragraff 8 o’r Atodlen;

ystyr “swyddogaethau cynllunio strategol” (“*strategic planning functions*”) yw—

- (a) swyddogaethau Cyd-bwyllgor Corfforedig y De-orllewin o dan Ran 6 o Ddeddf Cynllunio a Phrynu Gorfodol 2004(2) (gweler rheoliad 13), a
- (b) unrhyw swyddogaethau sy’n gysylltiedig ag arfer y swyddogaethau hynny neu’n ffafriol iddynt.

#### Diwygiadau Testunol

F2 Geiriau yn rhl. 2 wedi eu hamnewid (25.3.2022) gan [Rheoliadau Cyd-bwyllgorau Corfforedig \(Cyffredinol\) \(Cymru\) 2022 \(O.S. 2022/372\)](#), rhlau. 1(2), **43(3)(a)**

F3 Geiriau yn rhl. 2 wedi eu hamnewid (3.12.2021) gan [Rheoliadau Cyd-bwyllgorau Corfforedig \(Cyffredinol\) \(Rhif 2\) \(Cymru\) 2021 \(O.S. 2021/1349\)](#), rhlau. 1(2), **37(2)**

F4 Geiriau yn rhl. 2 wedi eu mewnosod (25.3.2022) gan [Rheoliadau Cyd-bwyllgorau Corfforedig \(Cyffredinol\) \(Cymru\) 2022 \(O.S. 2022/372\)](#), rhlau. 1(2), **43(3)(c)**

F5 Geiriau yn rhl. 2 wedi eu hepgor (25.3.2022) yn rhinwedd Rheoliadau Cyd-bwyllgorau Corfforedig (Cyffredinol) (Cymru) 2022 (O.S. 2022/372), rhlau. 1(2), **43(3)(b)**

#### Gwybodaeth Cychwyn

I2 Rhl. 2 mewn grym ar 1.4.2021, gweler [rhl. 1\(2\)](#)

## RHAN 1

### Sefydliu ac ardal

#### Sefydliu

3.—(1) Mae corff corfforedig o’r enw Cyd-bwyllgor Corfforedig y De-orllewin (“CBC y De-orllewin”) wedi ei sefydliu.

(2) Mae gan CBC y De-orllewin y swyddogaethau—

- (a) a roddir iddo gan y Rheoliadau hyn, a
- (b) a roddir iddo, a osodir arno neu a ddirprwyir iddo, gan unrhyw ddeddfiad arall.

(2) [2004 p. 5.](#) Mae Rhan 6 wedi ei diwygio gan Atodlen 9 i Ddeddf Llywodraeth Leol ac Etholiadau (Cymru) 2021 (dsc 1).

(3) Mae'r swyddogaethau a roddir i CBC y De-orllewin gan y Rheoliadau hyn yn arferadwy mewn perthynas â'i ardal.

#### Gwybodaeth Cychwyn

**I3** Rhl. 3 mewn grym ar 1.4.2021, gweler [rhl. 1\(2\)](#)

#### Ardal

4. Mae ardal CBC y De-orllewin wedi ei ffurfio o ardaloedd y cyngorau cyfansoddol.

#### Gwybodaeth Cychwyn

**I4** Rhl. 4 mewn grym ar 1.4.2021, gweler [rhl. 1\(2\)](#)

## RHAN 2

### Cyfansoddiad

#### Cyfansoddiad

5. Mae'r Atodlen yn gwneud darpariaeth ynghylch cyfansoddiad CBC y De-orllewin.

#### Gwybodaeth Cychwyn

**I5** Rhl. 5 mewn grym ar 1.4.2021, gweler [rhl. 1\(2\)](#)

## RHAN 3

### Aelodaeth

#### Aelodaeth

6.—(1) Aelodau CBC y De-orllewin yw—

- (a) y 4 aelod cyngor,
- (b) aelod Bannau Brycheiniog, <sup>F6</sup>...
- (c) aelod Arfordir Penfro [<sup>F7</sup>, a]
- [<sup>F8</sup>(d) unrhyw aelod cyfetholedig.]

(2) Mae gan yr aelodau hawl i bleidleisio mewn perthynas ag unrhyw fater sydd i'w benderfynu gan CBC y De-orllewin [<sup>F9</sup>, yn ddarostyngedig i reoliadau 8(3A) a 9(2)].

<sup>F10</sup>(3) .....

(4) Mae cyfeiriadau yn y Rheoliadau hyn, ac mewn unrhyw ddeddfiad arall, at aelod o CBC y De-orllewin (sut bynnag y'u mynegir) yn cynnwys aelod Bannau Brycheiniog [<sup>F11</sup>, ]aelod Arfordir Penfro [<sup>F12</sup>ac unrhyw aelod cyfetholedig], oni bai bod—

- (a) darpariaeth ddatganedig yn cael ei gwneud i'r gwrthwyneb, neu

(b) y cyd-destun yn mynnu fel arall.

#### Diwygiadau Testunol

- F6** Gair yn rhl. 6(1)(b) wedi ei hepgor (3.12.2021) yn rhinwedd Rheoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (O.S. 2021/1349), rhlau. 1(2), 37(3)(a)(i)
- F7** Gair yn rhl. 6(1)(c) wedi ei fewnosod (3.12.2021) gan Rheoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (O.S. 2021/1349), rhlau. 1(2), 37(3)(a)(ii)
- F8** Rhl. 6(1)(d) wedi ei fewnosod (3.12.2021) gan Rheoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (O.S. 2021/1349), rhlau. 1(2), 37(3)(a)(iii)
- F9** Geiriau yn rhl. 6(2) wedi eu mewnosod (3.12.2021) gan Rheoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (O.S. 2021/1349), rhlau. 1(2), 37(3)(b)
- F10** Rhl. 6(3) wedi ei hepgor (3.12.2021) yn rhinwedd Rheoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (O.S. 2021/1349), rhlau. 1(2), 37(3)(c)
- F11** Rhl. 6(4) wedi ei amnewid (3.12.2021) gan Rheoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (O.S. 2021/1349), rhlau. 1(2), 37(3)(d)(i)
- F12** Geiriau yn rhl. 6(4) wedi eu hamnewid (3.12.2021) gan Rheoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (O.S. 2021/1349), rhlau. 1(2), 37(3)(d)(ii)

#### Gwybodaeth Cychwyn

**I6** Rhl. 6 mewn grym ar 1.4.2021, gweler **rhs. 1(2)**

#### Aelodau cyngor

7.—(1) Yn achos pob cyngor cyfansoddol—

- (a) yr arweinydd gweithrediaeth, pan fo'r cyngor cyfansoddol yn gweithredu gweithrediaeth arweinydd a chabinet;
- (b) y maer etholedig, pan fo'r cyngor cyfansoddol yn gweithredu gweithrediaeth maer a chabinet,

yw'r aelod cyngor o CBC y De-orllewin.

[<sup>F13</sup>(2) Pan fo person sy'n aelod cyngor o dan baragraff (1) ("P") wedi ei atal dros dro neu pan nad yw'n gallu gweithredu fel aelod cyngor am unrhyw gyfnod, caiff y cyngor cyfansoddol y mae P yn aelod ohono benodi aelod o'i weithrediaeth i fod yn aelod dirprwyol o CBC y De-orllewin am y cyfnod hwnnw.

(2A) At ddibenion y Rheoliadau hyn (ac eithrio'r rheoliad hwn), ac unrhyw ddeddfiad arall, mae aelod dirprwyol a benodir o dan baragraff (2) i'w drin fel pe bai'n aelod cyngor o CBC y De-orllewin.

(2B) Ond nid oes gan yr aelod dirprwyol hawl i bleidleisio, nac i weithredu fel aelod cyngor fel arall, mewn perthynas â chyflawni unrhyw swyddogaeth sydd gan CBC y De-orllewin y gall P bleidleisio neu weithredu mewn perthynas â hi.

(2C) Ym mharagraff (2) ystyr "wedi ei atal dros dro" yw—

- (a) wedi ei atal dros dro neu ei atal dros dro yn rhannol o dan Ran 3 o Ddeddf Llywodraeth Leol 2000 rhag bod yn aelod o CBC y De-orllewin, neu
- (b) wedi ei atal dros dro yn rhannol o dan Ran 3 o Ddeddf Llywodraeth Leol 2000 rhag bod yn aelod o'r cyngor cyfansoddol y mae P hefyd yn aelod ohono.]
- (3) Pan fo swydd y cyfeirir ati ym mharagraff (1) yn wag o fewn cyngor cyfansoddol, rhaid i'r cyngor cyfansoddol benodi aelod arall o'i weithrediaeth yn aelod cyngor o CBC y De-orllewin hyd nes y bydd y swydd wag wedi ei llenwi.

## Diwygiadau Testunol

**F13 Rhl. 7(2)-(2C)** wedi ei amnewid ar gyfer rhl. 7(2) (25.3.2022) gan Rheoliadau Cyd-bwyllgorau Corfforedig (Cyffredinol) (Cymru) 2022 (O.S. 2022/372), rhlau. 1(2), 8(2)

## Gwybodaeth Cychwyn

**I7** Rhl. 7 mewn grym ar 1.4.2021, gweler **rhl. 1(2)**

## Aelod Bannau Brycheiniog ac Aelod Arfordir Penfro

8.—(1) Rhaid i Awdurdod Parc Cenedlaethol Bannau Brycheiniog benodi deiliad swydd a grybwyllir ym mharagraff (3) yn aelod o CBC y De-orllewin (“aelod Bannau Brycheiniog”).

(2) Rhaid i Awdurdod Parc Arfordir Penfro benodi deiliad swydd a grybwyllir ym mharagraff (3) yn aelod o CBC y De-orllewin (“aelod Arfordir Penfro”).

(3) Y deiliad swyddi sy’n gymwys i fod yn aelod Bannau Brycheiniog ac aelod Arfordir Penfro yw—

- (a) cadeirydd yr Awdurdod,
- (b) dirprwy gadeirydd yr Awdurdod, neu
- (c) cadeirydd unrhyw bwyllgor sy’n gyfrifol am faterion cynllunio a all gael ei sefydlu gan yr Awdurdod.

[<sup>F14</sup>(3A) Ni chaiff aelod Bannau Brycheiniog neu aelod Arfordir Penfro, yn ôl y digwydd, weithredu fel aelod ond mewn perthynas ag—

- (a) y swyddogaethau a roddir i CBC y De-orllewin o dan reoliad 13;
- (b) unrhyw swyddogaeth sydd gan CBC y De-orllewin sy’n ategol i’r swyddogaethau hynny neu’n gysylltiedig â hwyl.

(3B) Ond caiff aelod Bannau Brycheiniog neu aelod Arfordir Penfro, yn ôl y digwydd, hefyd weithredu fel aelod mewn perthynas ag unrhyw swyddogaeth arall sydd gan CBC y De-orllewin—

- (a) os yw’r aelodau cyngor ac aelod Bannau Brycheiniog neu aelod Arfordir Penfro (yn ôl y digwydd) yn cytuno [<sup>F15</sup>yn unfrydol], neu
- (b) os caniateir i aelod Bannau Brycheiniog neu aelod Arfordir Penfro (yn ôl y digwydd) weithredu mewn perthynas â’r swyddogaeth honno, neu os yw’n ofynnol iddo wneud hynny, yn rhinwedd darpariaeth ddatganedig yn y Rheoliadau hyn neu mewn unrhyw ddeddfiad arall.

(3C) Rhaid i gytundeb o dan baragraff (3B)(a) bennu’r telerau y caiff aelod Bannau Brycheiniog neu aelod Arfordir Penfro (yn ôl y digwydd) weithredu odanynt mewn perthynas â’r swyddogaeth o dan sylw, gan gynnwys pennu’r cyfnod pan fo aelod Bannau Brycheiniog neu aelod Arfordir Penfro i weithredu.]

[<sup>F16</sup>(4) Pan fo person sy’n aelod Bannau Brycheiniog neu’n aelod Arfordir Penfro o dan baragraff (1) neu (2) (“P”) wedi ei atal dros dro neu pan nad yw’n gallu gweithredu fel aelod am unrhyw gyfnod, caiff yr Awdurdod benodi un arall o’r deiliad swyddi a grybwyllir ym mharagraff (3) i fod yn aelod dirprwyol o CBC y De-orllewin am y cyfnod hwnnw.

(5) At ddibenion y Rheoliadau hyn (ac eithrio’r rheoliad hwn), ac unrhyw ddeddfiad arall, mae aelod dirprwyol a benodir o dan baragraff (4) i’w drin fel pe bai’n aelod Bannau Brycheiniog neu’n aelod Arfordir Penfro (yn ôl y digwydd) o CBC y De-orllewin.

(6) Ond nid oes gan yr aelod dirprwyol hawl i bleidleisio, nac i weithredu fel aelod fel arall, mewn perthynas â chyflawni unrhyw swyddogaeth sydd gan CBC y De-orllewin y gall P bleidleisio neu weithredu mewn perthynas â hi.

(7) Yn y rheoliad hwn—

ystyr “yr Awdurdod” (“*the Authority*”) yw Awdurdod Parc Cenedlaethol Bannau Brycheiniog neu Awdurdod Parc Cenedlaethol Arfordir Penfro, yn ôl y digwydd;

ystyr “wedi ei atal dros dro” (“*suspended*”) yw—

- (i) wedi ei atal dros dro neu ei atal dros dro yn rhannol o dan Ran 3 o Ddeddf Llywodraeth Leol 2000 rhag bod yn aelod o CBC y De-orllewin, neu
- (ii) wedi ei atal dros dro yn rhannol o dan Ran 3 o Ddeddf Llywodraeth Leol 2000 rhag bod yn aelod o'r Awdurdod Parc Cenedlaethol y mae P hefyd yn aelod ohono.]

(5) Yn is-baragraffau (3) a (4) ystyr yr “Awdurdod” yw Awdurdod Parc Cenedlaethol Bannau Brycheiniog neu Awdurdod Parc Cenedlaethol Arfordir Penfro, yn ôl y digwydd.

#### Diwygiadau Testunol

**F14** Rhl. 8(3A)-(3C) wedi ei fewnosod (3.12.2021) gan **Rheoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (O.S. 2021/1349)**, rhlau. 1(2), **37(5)(a)**

**F15** Gair yn rhl. 8(3B)(a) wedi ei fewnosod (25.3.2022) gan **Rheoliadau Cyd-bwyllgorau Corfforedig (Cyffredinol) (Cymru) 2022 (O.S. 2022/372)**, rhlau. 1(2), **43(4)**

**F16** Rhl. 8(4)-(7) wedi ei amnewid ar gyfer rhl. 8(4)(5) (25.3.2022) gan **Rheoliadau Cyd-bwyllgorau Corfforedig (Cyffredinol) (Cymru) 2022 (O.S. 2022/372)**, rhlau. 1(2), **8(3)**

#### Gwybodaeth Cychwyn

**I8** Rhl. 8 mewn grym ar 1.4.2021, gweler **rhl. 1(2)**

#### |<sup>F17</sup>Aelodau cyfetholedig

9.—(1) Caiff CBC y De-orllewin gyfethol un neu ragor o unigolion i fod yn aelodau o CBC y De-orllewin (“aelod cyfetholedig”) ar y telerau hynny y mae’n eu pennu.

(2) Rhaid i’r telerau hynny—

(a) pennu—

- (i) swyddogaethau CBC y De-orllewin y caiff yr aelod cyfetholedig weithredu mewn perthynas â hwy fel aelod o'r CBC, a
- (ii) unrhyw swyddogaeth sydd gan CBC y De-orllewin sy'n ategol i'r swyddogaethau hynny neu'n gysylltiedig â hwy;

(b) cael eu cytuno gan yr aelod cyfetholedig a'r aelodau eraill [<sup>F18</sup>sydd â hawl i bleidleisio ar y penderfyniad], ac

(c) cael eu nodi mewn cytundeb cyfethol.

(3) Pan fo gan aelod cyfetholedig, o dan baragraff (1), hawl i weithredu mewn perthynas ag—

(a) y swyddogaethau a roddir i CBC y De-orllewin o dan reoliad 13, a

(b) unrhyw swyddogaeth sydd gan CBC y De-orllewin sy'n ategol i'r swyddogaethau hynny neu'n gysylltiedig â hwy,

caiff aelod Bannau Brycheiniog ac aelod Arfordir Penfro weithredu fel aelod at ddibenion y paragraff hwnnw.

(4) Caiff aelod cyfetholedig ei gyfethol—

- (a) am gyfnod a bennir yn y cytundeb cyfethol, neu
  - (b) hyd nes—
    - (i) y bydd yr aelod cyfetholedig yn ymddiswyddo o CBC y De-orllewin, neu
    - (ii) y bydd CBC y De-orllewin yn terfynu'r cyfetholiad.
- (5) Mewn perthynas â chytundeb cyfethol—
- (a) caniateir ei amrywio ar unrhyw adeg;
  - (b) rhaid iddo gael ei gyhoeddi'n electronig gan CBC y De-orllewin.]

#### Diwygiadau Testunol

- F17** Rhl. 9 wedi ei amnewid (3.12.2021) gan **Rheoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (O.S. 2021/1349), rhlau. 1(2), 37(6)**
- F18** Geiriau yn rhl. 9(2)(b) wedi eu mewnosod (25.3.2022) gan **Rheoliadau Cyd-bwyllgorau Corfforedig (Cyffredinol) (Cymru) 2022 (O.S. 2022/372), rhlau. 1(2), 43(5)**

#### Gwybodaeth Cychwyn

- I9** Rhl. 9 mewn grym ar 1.4.2021, gweler **rhl. 1(2)**

#### [<sup>F19</sup>Anghymhwysiad rhag bod yn aelod cyfetholedig

- 9A.—(1) Mae person wedi ei anghymhwysyo rhag cael ei gyfethol yn aelod o CBC y De-orllewin os yw'r person—
- (a) yn dal swydd daledig neu gyflogaeth y gwneir neu y cadarnheir penodiad neu etholiad iddi, neu y caniateir gwneud neu gadarnhau penodiad neu etholiad iddi, gan—
    - (i) CBC y De-orllewin;
    - (ii) is-bwyllgor i CBC y De-orllewin;
    - (iii) deiliad swydd daledig neu gyflogaeth o'r math a ddisgrifir ym mharagraff (i) neu (ii), neu
  - (b) wedi ei anghymhwysyo o dan adran 80B o Ddeddf Llywodraeth Leol 1972 rhag bod yn aelod o—
    - (i) cyngor cyfansoddol;
    - (ii) Awdurdod Parc Cenedlaethol Bannau Brycheiniog;
    - (iii) Awdurdod Parc Cenedlaethol Arfordir Penfro.
- (2) Nid yw paragraff (1) yn gymwys i berson sydd wedi ei anghymhwysyo rhag bod yn aelod o gyd-bwyllgor corfforedig o dan adran 1 o Ddeddf Llywodraeth Leol a Thai 1989 (angymhwysiad yn rhinwedd dal swydd o dan gyfyngiadau gwleidyddol).]

#### Diwygiadau Testunol

- F19** Rhl. 9A wedi ei fewnosod (25.3.2022) gan **Rheoliadau Cyd-bwyllgorau Corfforedig (Cyffredinol) (Cymru) 2022 (O.S. 2022/372), rhlau. 1(2), 43(6)**

#### Rhannu swydd

##### 10. Pan fo swydd y cyfeirir ati yn—

- (a) rheoliad 7(1), neu

(b) rheoliad 8(3),

yn cael ei rhannu gan 2 berson neu ragor, mae'r personau hynny i'w trin fel pe baent yn 1 person at ddibenion y Rheoliadau hyn.

#### Gwybodaeth Cychwyn

I10 Rhl. 10 mewn grym ar 1.4.2021, gweler [rhl. 1\(2\)](#)

## RHAN 4

### Swyddogaethau

#### Llesiant economaidd

11. Rhoddir y swyddogaeth llesiant economaidd i CBC y De-orllewin (gweler adran 76 o Ddeddf Llywodraeth Leol ac Etholiadau (Cymru) 2021).

#### Gwybodaeth Cychwyn

I11 Rhl. 11 mewn grym ar 30.6.2022, gweler [rhl. 1\(3\)\(a\)](#)

#### Trosglwyddo etc. y swyddogaeth o ddatblygu polisiau trafnidiaeth

12.—(1) Mae'r swyddogaeth o ddatblygu polisiau o dan adran 108(1)(a) a (2A)(a) o Ran 2 o Ddeddf Trafnidiaeth 2000<sup>(3)</sup>, mewn cysylltiad ag ardal pob cyngor cyfansoddol, i'w harfer gan CBC y De-orllewin, ac nid gan y cyngor cyfansoddol.

(2) Mae Rhan 2 o Ddeddf Trafnidiaeth 2000 yn gymwys mewn perthynas â CBC y De-orllewin a'i gynghorau cyfansoddol yn ddarostyngedig i'r addasiadau yn yr Atodlen i Reoliadau Cyd-bwyllgorau Corfforedig (Swyddogaethau Trafnidiaeth) (Cymru) 2021<sup>(4)</sup>.

#### Gwybodaeth Cychwyn

I12 Rhl. 12 mewn grym ar 30.6.2022, gweler [rhl. 1\(3\)\(b\)](#)

#### Swyddogaethau cynllunio strategol

13. Mae gan CBC y De-orllewin y swyddogaeth o lunio cynllun datblygu strategol (ac yn unol â hynny mae Rhan 6 o Ddeddf Cynllunio a Phrynu Gorfodol 2004 yn gymwys i CBC y De-orllewin (gweler yn enwedig adrannau 60K i 60N o'r Ddeddf honno)).

#### Gwybodaeth Cychwyn

I13 Rhl. 13 mewn grym ar 30.6.2022, gweler [rhl. 1\(3\)\(c\)](#)

(3) 2000 p. 38.

(4) O.S. 2021/328 (Cy. 86).

## Is-bwerau

14.—(1) Caniateir i CBC y De-orllewin wneud unrhyw beth—

- (a) i hwyluso, neu
- (b) sy'n gysylltiedig â, neu'n ffafriol i,

arfer ei swyddogaethau o dan y Rheoliadau hyn neu unrhyw ddeddfiad arall.

(2) Mae'r pethau y caniateir eu gwneud o dan baragraff (1) yn cynnwys—

- (a) mynd i wariant;
- (b) codi ffioedd;
- (c) caffael neu waredu eiddo neu hawliau.

### Gwybodaeth Cychwyn

I14 Rhl. 14 mewn grym ar 1.4.2021, gweler [rhl. 1\(2\)](#)

## [<sup>F20</sup>Cyfngiad ar gyflawni swyddogaethau gan bersonau eraill

15. Nid yw rheoliad 13 o Reoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (trefniadau ar gyfer cyflawni swyddogaethau) yn gymwys i—

- (a) cymeradwyo polisi trafnidiaeth, neu ddiwygio polisi o'r fath a ddatblygwyd yn rhinwedd rheoliad 12(1) o dan adran 108(1)(a) a (2A)(a) o Ran 2 o Ddeddf Trafnidiaeth 2000;
- (b) y gweithredoedd a ganlyn sy'n gysylltiedig â llunio cynllun datblygu strategol, neu ddiwygio cynllun, o dan reoliad 13—
  - (i) mabwysiadu cytundeb cyflawni, neu ddiwygio cytundeb o'r fath (gweler rheoliad 11(2) ac (8) o Reoliadau Cynllunio Gwlad a Thref (Cynllun Datblygu Strategol) (Cymru) 2021 ("y Rheoliadau CDS"));
  - (ii) cymeradwyo dogfennau cynigion cyn-adneuo a datganiad o faterion cyn-adneuo (gweler rheoliadau 17 a 18 o'r Rheoliadau CDS);
  - (iii) cymeradwyo adroddiad ymgynghori cychwynnol, dogfen cynigion yr CDS a datganiad o faterion adneuo (gweler rheoliad 20 o'r Rheoliadau CDS);
  - (iv) cymeradwyo dogfennau i'w hanfon at Weinidogion Cymru o dan adran 64(3) o Ddeddf Cynllunio a Phrynu Gorfodol 2004;
  - (v) tynnu cynllun datblygu strategol yn ôl o dan adran 66A(2) o'r Ddeddf honno;
  - (vi) mabwysiadu cynllun datblygu strategol o dan adran 60M(9)(a) o'r Ddeddf honno;
  - (vii) cymeradwyo adroddiad monitro blynnyddol sydd i'w wneud o dan adran 76(1) o'r Ddeddf honno;
  - (viii) cymeradwyo adroddiad adolygiad o gynllun datblygu strategol sydd i'w wneud o dan adran 69(2) o'r Ddeddf honno;
- (c) cytuno ar gyfrifiadau o ofynion cyllideb neu gyfrifiadau diwygiedig o dan reoliad 16(6)
  - (b) a (9).]

### Diwygiadau Testunol

F20 Rhl. 15 wedi ei amnewid (3.12.2021) gan [Rheoliadau Cyd-bwyllgorau Corfforedig \(Cyffredinol\) \(Rhif 2\) \(Cymru\) 2021 \(O.S. 2021/1349\)](#), rhlau. 1(2), 37(7)

## Gwybodaeth Cychwyn

I15 Rhl. 15 mewn grym ar 1.4.2021 at ddibenion penodedig, gweler **rhl. 1(2)**

I16 Rhl. 15 mewn grym ar 30.6.2022 mewn grym i'r graddau nad yw eisoes mewn grym, gweler **rhl. 1(3)(d)**

## RHAN 5

### Ariannu

#### Cyfrifo gofynion cyllideb

16.—(1) Ar gyfer pob blwyddyn ariannol rhaid i CBC y De-orllewin gyfrifo'r symiau a ddisgrifir ym mharagraff (2) sydd i'w priodoli i—

- (a) ei swyddogaethau cynllunio strategol (gan gynnwys cyfran briodol o gostau gweinyddu a gorbenion eraill), a
- (b) ei swyddogaethau eraill.

(2) Y symiau y mae rhaid i'r CBC eu cyfrifo yw—

- (a) y swm y mae'r CBC yn amcangyfrif y bydd yn ei wario mewn cysylltiad â'r flwyddyn ariannol wrth arfer ei swyddogaethau (gan gynnwys gwariant ar weinyddu a gorbenion eraill);
- (b) y swm y mae'r CBC yn ystyried ei fod yn briodol ei godi ar gyfer cronfa ariannol wrth gefn mewn cysylltiad â'r flwyddyn ariannol;
- (c) y swm y mae'r CBC yn ystyried ei fod yn briodol ei gadw fel cronfa wrth gefn i dalu am y gwariant y mae'n ystyried yr eir iddo mewn cysylltiad â blynnyddoedd ariannol i ddod;
- (d) unrhyw swm y mae'r CBC yn ystyried ei fod yn angenrheidiol i dalu unrhyw rwymedigaethau sydd heb eu talu mewn cysylltiad ag unrhyw flwyddyn ariannol gynharach.

(3) Ar gyfer pob blwyddyn ariannol, rhaid i CBC y De-orllewin hefyd gyfrifo cyfanswm cyfanredol unrhyw symiau y mae'n amcangyfrif y bydd yn eu cael o ffynonellau eraill ac eithrio'r cyngorau cyfansoddol, Awdurdod Parc Cenedlaethol Bannau Brycheiniog ac Awdurdod Parc Cenedlaethol Arfordir Benfro sydd i'w priodoli i—

- (a) ei swyddogaethau cynllunio strategol, a
- (b) ei swyddogaethau eraill.

(4) Pan fo cyfanswm y symiau a gyfrifir ar gyfer blwyddyn ariannol o dan baragraff (1)(a) yn fwy na'r swm a gyfrifir ar gyfer y flwyddyn honno o dan baragraff (3)(a), y swm ychwanegol hwnnw yw gofyniad cyllideb cynllunio strategol CBC y De-orllewin ar gyfer y flwyddyn ariannol.

(5) Pan fo cyfanswm y symiau a gyfrifir ar gyfer blwyddyn ariannol o dan baragraff (1)(b) yn fwy na'r swm a gyfrifir ar gyfer y flwyddyn honno o dan baragraff (3)(b), y swm ychwanegol hwnnw yw gofyniad cyllideb cyffredinol CBC y De-orllewin ar gyfer y flwyddyn ariannol.

(6) Rhaid i CBC y De-orllewin—

- (a) cynnal y cyfrifiadau o dan baragraffau (1) a (3), a
- (b) cytuno ar y cyfrifiadau hynny mewn cyfarfod,

yn ddim hwyrach na 31 Ionawr ym mhob blwyddyn ariannol flaenorol.

(7) Mewn perthynas â'r flwyddyn ariannol gyntaf, mae paragraff (6) yn gymwys fel pe bai "31 Ionawr 2022" wedi ei roi yn lle "31 Ionawr ym mhob blwyddyn ariannol flaenorol".

(8) Caiff CBC y De-orllewin ddiwygio'r cyfrifiadau a gynhelir o dan baragraffau (1) a (3) ar unrhyw adeg cyn diwedd y flwyddyn ariannol y maent yn ymwneud â hi a chaniateir diwygio gofyniad cylideb cyffredinol, neu ofyniad cylideb cynllunio strategol, CBC y De-orllewin o ganlyniad i hynny.

(9) Rhaid cytuno ar unrhyw gyfrifiadau diwygiedig mewn cyfarfod o CBC y De-orllewin.

### Gwybodaeth Cychwyn

I17 Rhl. 16 mewn gymr ar 1.4.2021, gweler [rhl. 1\(2\)](#)

### Ariannu gofyniad cylideb

17.—(1) Rhaid i ofyniad cylideb cyffredinol CBC y De-orllewin gael ei dalu i CBC y De-orllewin gan y cyngorau cyfansoddol, ac mae'r gyfran o'r swm hwnnw sy'n daladwy gan bob cyngor cyfansoddol i'w phennu drwy gytundeb unfrydol yr aelodau cyngor.

(2) Rhaid i ofyniad cylideb cynllunio strategol CBC y De-orllewin gael ei dalu i CBC y De-orllewin gan y cyngorau cyfansoddol, Awdurdod Parc Cenedlaethol Bannau Brycheiniog ac Awdurdod Parc Cenedlaethol Arfordir Penfro, ac mae'r gyfran o'r swm hwnnw sy'n daladwy gan bob cyngor cyfansoddol a chan [<sup>F21</sup>bob Awdurdod] i'w phennu drwy gytundeb unfrydol [<sup>F22</sup>yr aelodau cyngor, aelod Bannau Brycheiniog ac aelod Arfordir Penfro].

(3) Pan na fo'n bosibl dod i gytundeb o ran y cyfrannau sy'n daladwy o dan baragraff (1) neu (2), caiff Gweinidogion Cymru drwy gyfarwyddyd bennu'r gyfran sy'n daladwy gan bob cyngor cyfansoddol neu bob cyngor cyfansoddol, Awdurdod Parc Cenedlaethol Bannau Brycheiniog ac Awdurdod Parc Cenedlaethol Arfordir Penfro.

(4) Mae'r rheoliad hwn yn gymwys i ofyniad cylideb cyffredinol, neu ofyniad cylideb cynllunio strategol, a ddiwygiwyd o dan baragraff (8) o reoliad 16 fel y mae'n gymwys i ofyniad cylideb a bennwyd yn wreiddiol o dan y rheoliad hwnnw.

### Diwygiadau Testunol

F21 Geiriau yn rhl. 17(2) wedi eu hamnewid (3.12.2021) gan Rheoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (O.S. 2021/1349), rhlau. 1(2), 37(8)(a)

F22 Geiriau yn rhl. 17(2) wedi eu hamnewid (3.12.2021) gan Rheoliadau Cyd-bwyllgorau Corfforedig (Cyffredinol) (Rhif 2) (Cymru) 2021 (O.S. 2021/1349), rhlau. 1(2), 37(8)(b)

### Gwybodaeth Cychwyn

I18 Rhl. 17 mewn gymr ar 1.4.2021, gweler [rhl. 1\(2\)](#)

### [<sup>F23</sup>Cronfa Gyffredinol

17A.—(1) Rhaid i CBC y De-orllewin sefydlu a chynnal cronfa o'r enw cronfa gyffredinol CBC y De-orllewin.

(2) Rhaid i unrhyw symiau a geir gan CBC y De-orllewin (gan gynnwys symiau a geir o dan reoliad 17(1) neu (2)) gael eu talu i mewn i'w gronfa gyffredinol.

(3) Rhaid i bob taliad a wneir gan CBC y De-orllewin gael ei wneud allan o'i gronfa gyffredinol.

(4) Rhaid i CBC y De-orllewin gadw cyfrif o dderbyniadau a delir i mewn i'w gronfa gyffredinol, a thaliadau a wneir allan o'r gronfa honno.

**Newidiadau i ddeddfwriaeth:** Mae newidiadau yn dal heb eu gwneud i Rheoliadau Cyd-bwyllgor Corfforedig y De-orllewin (Cymru) 2021. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir at ynt gydag anodiadau. (See end of Document for details) View outstanding changes

- (5) Nid yw paragraffau (2) a (3) yn gymwys i unrhyw symiau sydd i’w talu i mewn i, neu allan o, gronfa allanol o fewn yr ystyr a roddir i “external fund” gan adran 17 o Ddeddf Llywodraeth Leol 2003 (cronfeydd allanol).]

**Diwygiadau Testunol**

**F23 Rhl. 17A** wedi ei fewnosod (25.3.2022) gan **Rheoliadau Cyd-bwyllgorau Corfforedig (Cyffredinol) (Cymru) 2022 (O.S. 2022/372), rhlau. 1(2), 15(4)**

17 Mawrth 2021

*Julie James*  
Y Gweinidog Tai a Llywodraeth Leol, un o  
Weinidogion Cymru

**Newidiadau i ddeddfwriaeth:**

Mae newidiadau yn dal heb eu gwneud i Rheoliadau Cyd-bwyllgor Corfforddig y De-orllewin (Cymru) 2021. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau.

[View outstanding changes](#)

**Changes and effects yet to be applied to :**

- Sch. para. 15 coming into force by [S.I. 2021/352 reg. 1\(3\)\(d\)](#)
- Sch. para. 16(1)(da)(db) inserted by [S.I. 2022/797 reg. 20\(2\)\(b\)](#)
- Sch. para. 16(1A) inserted by [S.I. 2022/797 reg. 20\(2\)\(c\)](#)
- Sch. para. 16(2A) inserted by [S.I. 2022/797 reg. 20\(2\)\(g\)](#)
- Sch. para. 16(2)(c)(iv) and word omitted by [S.I. 2022/797 reg. 20\(2\)\(f\)](#)
- Sch. para. 16(1)(c) words inserted by [S.I. 2022/797 reg. 20\(2\)\(a\)](#)
- Sch. para. 16(2)(a) words substituted by [S.I. 2022/797 reg. 20\(2\)\(d\)](#)
- Sch. para. 16(2)(b) words substituted by [S.I. 2022/797 reg. 20\(2\)\(e\)](#)